

## Universitätsbibliothek Paderborn

### **Historiae Ecclesiasticae Pars ...**

HISTORIAE EC||CLESIASTICAE PARS || PRIMA, QVA CONTI-||NENTVR ||  
Eusebij cognomento Pamphili Cæsareæ Palæ-||stinæ Episcopi lib. 10.||  
Eiusdem de vita Constantini magni lib. 4.|| Oratio Constantini magni ad  
sanctoru[m] cœtu[m].|| Oratio eiusdem Eusebij in laudem Constanti-||ni  
magni ad trigesimum ...

**Christopherson, John**

**[Köln], 1569**

De iis quibus despiciuntur sunt, non solum scripturae sed philosophorum  
quoque placita. Cap. X.

**urn:nbn:de:hbz:466:1-29861**

## CONSTANTINI ORATIO

Sed idem ipse Plato se quodammodo redarguens, videtur mihi sermoni correctionem adhibuisse: cum spiritum Dei, animum esse rationis capacem perspicue demonstraret, omniaq; in duo dispertiret genera, alterum mente compræhensum, alterum sensu: quod quidem ex corporis coagmentatione constat. Atque illud sub intelligentiam cadere, hoc cū sensu cohærescens, totū esse opinabile. Quare illud spiritus sancti particeps, utpote ab omni concretione & materia segregatum, vitam perpetuam & sempiternam obtainere: hoc autem sensibus subiectum, æternæ vitæ expers esse, quippe quæ eadem ratione denuo dissoluitur, qua coagmentatum fuit. Quæ verò deinceps tradit, habent planè admirationem: nempe illis qui integrè inuolateque vitam traduxerint (animos nimurum piorum & bonorum virorum intellexit) postquam è corporis custodia emigraverunt, domicilia in pulcherrimis cæli locis tanquam consecrata esse. Istud sane non modo permultum admirationis, sed utilitas etiam non minus continet. Quis enim est qui huic sermoni fidem habens, hancq; expectans fœlicitatem, vitâ non optime instituere, non iustitiam & temperantiam colere, nō prauitatem sedulo vitare voluerit? Iстis etiam apte & apposite adiunxit: improborum animos acherontis & pyrophlegethontis fluctibus, non aliter atque merces nauis fracta defatos oberrare.

*De iis quibus despiciuntur sunt, non solum scripture  
sed philosophorum quoque placita.*

CAP. X.

**S**VNT tamen nonnulli eatenus acie mentis perstricti, vt cū hæc ipsa legant, non curent, nec metuant, sed contemnant, atque irrideant, non aliter ac si fabulas quasdam commentitias audirent. At varietatem dicendi & elegantiā laudant illi quidem, sed disciplinæ detestantur severitatem, poetarumq; commentis fidem adiungunt, atq; adeo totam Græciam, totam Barbariam, inanibus & falsis præconiis celebrant. Quod autem ad poetas attinet, illi asserunt homines, deorum filios, post mortem animos iudicare, iudicia eorum & tribunalia laudibus efferre, mortuis præficere arbitros, quinetiam pugnas deorum canere: Iura quædam inter

inter eos esse bellica narrare, fata eorum prædicare non desinunt: & ex illis quosdam natura acerbos, alios ab hominū curatione alienos, nonnullos difficiles ac morosos esse affirmant, alios suorum liberorū cædes lamentantes introducunt. adeo ut ne charissimis quidem, nedum alienis, satis possint afferre præsidij. Inferunt item illos humanis perturbationibus agitatos: eorum prælia, vulnera, gaudium, luctū decantant. Quæ cum dicant, digni videri volunt, quibus habeatur fides. Quod si vt aiunt diuino instinctu pulsī, poeticam exerceant, illis credendum obtemperandumque videtur, in his præsertim rebus, de quibus diuino quasi spiritu afflati dissenserunt: deorum item & dæmonum calamitates memorant, quæ planè variam variarum rerum veritatem videntur attingere. At dixerit aliquis poetis liberum esse metiri. Et enim poeticæ proprium, animos audientium lenociniis delinire: veritatis autem, vt i quæ dicuntur, non aliter se habeant, quæ dicantur. Sit etiam hoc poeticæ propriū, veritatis aliquantum interdum sibi surripere: verū qui mendacia dicunt, non sine causa illa quidem dicunt, aut enim quæstus & utilitatis gratia, aut improbi cuiusdam facinoris sibi conscij, propter periculum, quod à legibus ipsis impendet, veritatem occultant. Nam fieri potest, mea quidē sententia, vt qui de optima natura nihil, præterquam quod veritas postulet dicere aggrediatur, tum à mentiendo sese, tum ab impie aliquid agendo contineant. Atqui si quis vita felici prosperaque indignus existat, sibiique conscius sit, se viuendi rationem sceleratam, & temerariam traduxisse, rebeat in viam, & ad diuinum numen respiciat, vt oculis mentis illustratus, à depravata illa vitae consuetudine, quam dum secutus sit sese penitus auocet. Quinetiam optabile est, si qui paulo prouectiores sint, etiam tum sapientiam sequantur. Nobis verò nulla doctrina ex solis hominū ingenii profecta aliquando profuit: Dei autem dona sunt illa omnia, quæ in hominum moribus & institutis apud sapientes probantur. Habeo equidem, imo tanquam contra venenata tela, quæ mihi diabolus ex aduerso parat, non imbecille scutum oppono, scientiam earum rerum, quæ Deo gratae sunt acceptæque. Hæc igitur commode ad eum sermonem, qui à me institutus est, delegi, quo omnium patrem

R r 3 laudi-

## CONSTANTINI ORATIO

Iaudibus extollerem, illo ipso opem hinc pio proposito,  
quod suscepimus, ferente. Tu iam Christe, seruator om-  
nium, sermonem de tua virtute susceptum exorna, mo-  
dumque grauiter & præclare tuas laudes prædicandi præ-  
scribe, nemo voces verbaque eleganti artificio expolita, se  
auditurum existimet. Est enim mihi explorare cognitum,  
effluentem, & ad voluptatem factam: quodam modo orati-  
onem, prudentum auribus non parum molestiae allaturam,  
cum qui dicunt, plausum potius querere, quam sapienter de  
rebus propositis disputare contendant. Homines quidam  
amentes impiiq; aiunt, Christum maleficiarum reum, iudi-  
cio condemnatum fuisse, & eum qui animantibus author  
vita est, vita priuatum. Nec certè mirum hoc inter eos dici,  
qui cum semel pietatis fines transierunt, nec metuunt quic-  
quam, nec suam ipsorum improbitatem occultare instituunt.  
Illud etiam omnem stultitiam lôge superat, videri sibi satis  
persuasum esse, Deum immortalem hominis violentia com-  
pulsum, non sua sola inductum benignitate & clementia,  
passum fuisse, nec secum cogitare, Dei magnanimitatem &  
tolleratiā, nullo modo vel conutio euerti, vel contume-  
lia à sua grauitate naturaliter sibi insita depelli posse: sed  
semper eorum immanitatem, qui ipsam iniadunt, ratio-  
ne, & excelsō animi robore infingere, & à se prorsus ar-  
cere, Dei enim clementia secum statuerat, tum iniustitiam  
delere penitus, tum modestiam & æquitatem extollere.  
Quapropter Christus sapientissimis hominibus in unum  
conuocatis disciplinam præclarissimam, vitæque utilissi-  
mam tradidit, ut qui boni & felices esse vellent, eius pro-  
uidentiam in rebus præclarè dispensandis sita, admiraretur  
& suspiceret. Quo sane quid potest præstabilius à quoquā,  
aut maius bonum commemorari, quam Deum iustitiae ad-  
ministrationi præesse, eosque qui ipsius doctrina & insti-  
tutione digni sunt, similes sibi efficere, ut bonitate tandem  
in omnes propagata, hominibus in perpetuum adsit felici-  
tas? Hæc est illustris plane victoria, hoc verum impe-  
rium, hoc opus maximum, & vitæ maximè consentaneum,  
ut vniuersus populus moderate, modesteque se gerat. Te  
igitur Deus seruator omnium, collaudantes, ista victoriæ  
trophæa tibi offerimus. Tu vero, ô improba & execra-  
bilis

bilis blasphemia (quæ mendaciis efferti, rumoribus & acclamationibus niti soles) tu inquam iuuenes in fraudem illicis, adolescentulos & viros, qui moribus paulò ruidoribus prædicti sunt, blanda persuasione delinis, eosque à veri Dei religione abducis, & statuas effingis, construisqué, quibus preces & venerationem impertiant: vt ita per fallaciam decepti, sui ipsorum inficiæ mercedem recipiant: Christum enim Deum, Deique filium, omnium bonorum authorem in crimen vocare non dubitant. An non à modestissimis prudentissimisque gentibus ac populis hic Deus merito colitur, qui omnem vim, virtutemque asscutus, inq[ue] suo ac proprio voluntatis proposito perseverans, nihil de clementia sibi infita imminuerit? Discedite ergo impii, (libera enim vobis facultas est, vos ipsos, propter peccandi impunitatem, ad hostiarum cædes conferendi, conuiuaque & festa, & ebrietates consecrandi,) discedite inquam, & religionem specie simulata colite, conferte vosmet ad voluptatem & intemperantiam explendam: victimas immolate per fucum & fallaciam, vestris denique ipsorum libidinibus inferuite. Nihil enim quod bonum est animo tenetis, ne primum quidem præceptum Dei optimi maximi, qui & hominum generi normam viuendi præscribit, & vitam eorum gubernandi filio concredit potestatem, vt qui recte moderateque vitam præsentem instituerint, ex filij sui sententia ac iudicio, altera vita beata & felici possintur.

*De Domini in carne aduentu, quis &  
quas ob res extiterit.*

C A P V T XI.

**A**Tque ipse equidem Dei decretum de hominum vita initienda sanctum, non ignoratione, vt multi, neque cōiectura nixus, persequi aggressus sum. At vt ad propositum redeamus, dixerit forsitan quispiam, vnde filij appellatio, quis eius gignendi modus? Siquidem solus unus Deus est, idemque ab omni admitione sciunctus.

R r 4                    Verum